

DISSERTATIO ACADEMICA

*De*

*ATE HOMERICA & HESIODEA,*

Quam

*Conf. Ampliss. Facult. Philos. Aboëns.*

PRÆSIDE

*Mag. GUSTAVO GADOLIN,*

Lingv. Orient. & Gr. Prof. Reg. & Ord.

PRO GRADU PHILOSOPHICO,

Publicæ censuræ subjicit

*ABRAHAMUS PAULIN,*

*Stip. Reg. Australis.*

*In Audit. Majori die 17 Martii MDCCCI,*

Horis a. m. solitis.

---

ABOË, typis Frenckellianis.

KONUNGENS  
TRO - TJENARE, ÖFVER - DIREKTÖREN  
HÖGÄDLE  
HERR JOSEPH BREMER.

Allt ifrån den stund jag var lycklig att få vistas i Herr Öfver-Direktörens aktningsvärd Hus, har Herr Öfver-Direktörens ynnest och välgörenhet lättat mina bekymmer, och beredt för mig en lyckligare framtid, än jag annars af mina vilkor och omständigheter kunnat få hälftigt hoppas. Förr skall jag derföre saknas bland de lefvande, än minnet af Herr Öfver-Direktörens ädelmod skall utplånas ur mitt tackfamna bröst. Til en början torde då Herr Öfver-Direktören tillåta mig at på detta blad offentligen betyga min erkänsamhet. Mätte Förfsynen, som vakar öfver våra öden, tildela Herr Öfver-Direktören så talrika lefnadsår oeh nöjda dagar, som jag det af varmaste och förbindligaste hjerta önskar!

Med all vördnad framhärdar jag at vara

HÖGÄDLE HERR ÖFVER-DIREKTÖRENS

*Ödmjukaſte tjenare*  
ABRAHAM PAULIN.

VIRO  
ADMODUM REVERENDO atque PRÆCLARISSIMO,  
DOMINO MAGISTRO  
ABRAHAMO PAULIN,  
Concionatori ad Aulam Ducis OlroGothiæ, nec non  
Sacellano in Uicela.

PATRUO OPTIMO!

Recordatio beneficiorum, quibus me jugiter ornasti, summorum, jucundissima profectio mihi est: quæ ipsa sanctissimis perfundit mentem meam pietatis sensibus. Grati igitur animi publicum aliquod documentum editurus, ut etatis anni bene multi tibi contingent, ut omnigena felicitate abundes, jam vovet, æternumque vovebit

TUI


*Cultor humillimus*  
ABRAHAMUS PAULIN.

VIRO  
ADMODUM REVERENDO ac PRÆCLARISSIMO  
DOMINO MAGISTRO  
ARVIDO PAULIN,  
vicario Pastori in S. Maria & Sacellano in Paattis,  
PARENTI INDULGENTISSIMO!

Lætus tandem affulsi dies, quo pium in Te animum ac ve-  
nerabundum publice testificandi ansa mihi est data optatis-  
sima. Paternæ curæ & diligentiræ a cunis inde meis ad hunc  
usque diem, vitæ, moribus & studiis meis bene ac prudenter  
instituendis impensæ, memoriam quoties recolo, Te Parentem  
carissimum diligo, veneror, observo. Ut leve qualemque  
animi grati monumentum hoc tibi consecro opusculum, bene-  
ficia Tua rependere qui non valeam. Vivas ad Nestorios annos  
beatus, ut sic Tuis lætandi materiam præbeas ampliam,  
svavissimam! Vovet ad cineres usque Tibi,

PARENS OPTIME,

*Filius obsequientissimus*  
ABRAHAMUS PAULIN.



Malorum notionem primum doloris ex iis percepti sensu suisse in hominum mente excitatam, manifestum est. Eam igitur ipsum fere genus nostrum ætate æquare, vix negandum. Caussæ vero adversarum, interdum accidentium, rerum, & molestiarum ac curarum, animam passim afflignantum, scelerumque, quæ & pati & facere necessitas hic illic jubere videretur, non potuere non sæpiissime latere vetustissimi ævi cognitionem. Unde factum, ut & quæ sibi ipsi sua imprudentia & protervitate parassent mala, ea diis auctoribus antiqui mortales frequenter adscriberent, rerum nexus non perspicientes, haud raro etiam sui nimio amore, qui in alios potius quam in se culpam convertere plerumque suadet, correpti. Quem vulgarem sentiendi morem poëtæ quoque secuti, sibi finxere inconsiderantiæ, temeritatis, petulantia, deam, Aten, in errores varios, in mala varia, homines inducentem; de qua igitur quæ in Homero & Hesiodo inveniuntur, speciminis Academici loco nostra qualicunque opera illustrare constituimus.

A

§. I.

## §. I.

Nomen Ates ex appellativo *ατη* quidem ortum esse patet; cuius vero etymologia, ut solet plurimorum verborum, incertior est quam vis & usus. Alii scil. id ab *ατω*, *αατω*, *ατω* (*a*), *noceo*, *damnum infero*, deducentes, *noxæ*, *damni*, primam ejus constituunt notionem; alii ab *α* s. *αι*, dolentium & conquerentium fono (unde *ατω*, *αατω*, q. d. *exprimo* & *δεινωτικος*, *decipio*, *in fraudem injicio*), proprie *fraudem*, *deceptionem*, *errorem*, significare existimant. Quorum derivationibus quid veri insit, indubitate desinire difficile erit. Verum tamen monendum, *noxæ* s. *damni* notionem in Homero, ipsum accurate interpretari si volumus, *ατης* vocabulo generatim vix competere videri (*b*); unde ea forsan neque antiquissima habenda est. Denotat vero *ατη* in poëta vetustissimo mentis aliquam inopiam & veluti perturbationem ac vesaniam, in primis ex vehementioribus quibusvis animi commotionibus vel studiis & cupiditatibus in temperatis oriundam, atque hinc graviorem in re diju-

(*a*) Quod ab *αδω* (cujus propriam notionem querendam esse in *motu*, qui sit res plures in unum congerendo & coacervando, atque inde natam *complendi*, *explendi*, *acervandi*, itam, putat), q. d. *nimia copia congesta vel mole rerum obruo*, repetit A LENNEP *Etymol. Ling. Gr. voc.* *αδω*, *αξω*, *ατω*, & his affin.

(*b*) Cfr. monita a CHR, TOB, DAMM *N. Lex. Gr. Voc.* *ατη*.

dijudicanda vel consilio capiendo, præcipue ipsi discernenti noxiū, errorem. Dein & pro stolidis atque insipientibus factis, ad quæ suscipienda impellere solent excitati sensus, ponitur. Tum & pro errorum veluti incitamentis, s. rebus quæ ad temere & inconsulte agendum instigant & permovent. Cfr v. gr. *H. XVI*; 805: τονδ' ατη Φρενας ειλε, perturbatio quædam & inopia mentis eum cepit; *VI*: 356: Helena ατην (temeritatem insignem s. amentiam) eam appellat, qua ductus Alexander ipsam rapuerat; *Od. IV*: 261: ατην μετεζενον, dolebam amentiam, quam indidit mihi Venus, quum Ilium me duceret; *XXI*: 301, 302: ο δε Φρεσιν ησω αασθεις ηεν νν ατην οχεων αετιΦρεσι θυμω, Eurytion, mentis (ob ebrietatem) non compos, invit, suam amentiam (temeritatem, petulantiam, a vino) levi animo ferens; *H. I*: 412 & *XVI*: 274: γνω δε Ατρειδις νν ατην, ut cognoscat Atrida suam amentiam s. temeritatem in Achille susque deque habendo; *H. III* & *IX*: 18: ubi Agamemnon ατην βαρειαν (gravem vesaniam) dicit suum in Trojanos arma movendi institutum, ignominiae sibi jam cessum, quod olim suscepserat immortalem sibi inde gloriam sperans, vanis Jovis promissionibus fretus; *Od. XII*: 372: ι με μαλ' εις ατην ιοιμησατε υιλει υπνω, mihi valde in dementiam me sopivisti saeo somno, h. e. demens eram, qui me sopiri paterer; *XXIII*: 223: τηνδ' ατην ου προσθεν εω εγκατθετο θυμω λυγεων, hanc perniciosem amentiam, abeundi seil. cum Alexander consilium, antea animo non volverat Helena;

*Il. IX: 115: οὐτὶ ψεύδος εμας ατας κατελεζας, a vero non discessisti enumerans temeraria mea facta; X: 391: πολλησιν μάτιοι παρει νοον ηγαγεν Εκτωρ, multis rebus, quae mentem meam occidere valerent (promittendo videlicet se magnam munerum copiam daturum), amentem me fecit Hector; &c.*

In Hesiodo vero vox *ατη* videtur eatenus latius patere, quatenus injuriam in alios intentam vel commissam etiam, & quidem præcipue, respiciat: Vid. v. c. Egy. 215: εσθλος βαρυθει οπ' αυτης (υβριος) εγκυρος ατησι, opulento, in scelera illapso, gravis tandem est sua petulantia (ubi υβρις & ατη fere synonymæ sunt); ib. 230: ουδε ποτ' ιδυδικαιη μετ' ανδρασι λιμος οπιδει, ουδ' ατη, neque fames comitatur iustos, neque aliis nocendi studium vel vis aliorum juribus illata.

## §. II.

In scenam igitur prolaturis poëtis personificatam mortalium temeritatis, jactantiæ, audaciæ, insipientium & petulantium consiliorum & factorum, caussam, proclive fuit eam a rebus, quas efficere fingenda erat, *Ατη* denominare. Sed in genere ejus describendo inter ipsos non omnino convenit. Nam Homero dea nostra est Jovis filia (*c*); ut videtur, quia

(c) Πρεσβεα Διος θυγατηρ, η παντας αλτα, *Il. XIX: 91;*

quia potentissima est, & in omnes sœvum suum imperium exercet, nec hominum modo mentes perturbat, sed & Saturnii prudentiam aliquando fefellit. Nimirum deus quisque suam prolem, & quos præ ceteris amare putabatur, iis in primis muneribus videbatur instruere & exornare, quibus ipse præcipue eminere credebatur. Unde Jovis filios dicere, vel ei dilectos appellare, qui robore ac viribus superarent, & vulgari opinioni & poëtarum mori consentaneum erat.

Verum aliam Ates genealogiam struit Hesiodus Θεογ. 230 (*d*), eam matre Eride in lucem editam fingens. Cujus mythi ratio in eo manifeste est positiva, ut moneatur, homines, contentionis studio ac vehementia agitatos & abreptos, saepe non temere mo-

A 3

do

ubi πρεσβέα illud venerationem indigitare videtur, qua illa & ob celsum originem, & ob vim magnam, qua gaudebat, a mortalibus erat excipienda.

(*d*) DAV. RUHNKENIO locus ita videtur constituendus:  
*Αὐτας Εἳς συγεη̄ τεκε μεν Πουον αλγυσεντα,*  
*Ατην τε (loco Δηθη τε), Διμον τε - - -*  
*Δυσνομην, Απαστη τε (loco Ατην τε), συνηθεας αλληλοισ.*  
 Verum cur non δυσνομη & ατη possint συνηθεισ αλληλοισ dici? Atque ληθη annon queat certa quadam ratione haberi Εεδος filia? Nam, monente Scholaste, πολλακις εεδος προς των γνομενης επιλαενθανομεθα και των προστηκοτων.  
 Quicquid sit, etiam eruditio emendatori placet Ates ex Eride ducta origo.

do & inconsolite, sed & in adversarios injuste ac vio-  
lenter se gerere. Unde *Ἄτη* (*potulantia, injuria*) etiam,  
& *Δυσνομία* (*licentia s. legibus repugnans vivendi ra-  
tio*), sorores, familiaritate ac consuetudine inter se  
conunctæ (*συνήθεαι*) *ibid.* dicuntur. Quare & cum  
his iisdem communi matre natæ *ibid.* recensentur  
Pugnæ, Cædes, Prælia, Jurgia, Mendacia, &c.

### §. III.

Atæ formam quod attinet, pulchra ea, ut deam  
decebat, fuisse videtur. Neque fere potuit esse de-  
formis & horrenda; nam placet primum error, fa-  
cilesque & prompti in eum se præcipites dant homi-  
nes: postquam commissus est, tedium ejus demum  
oritur, pœnitentia ingruente. Nitidorum saltem (cu-  
trum per se pulcrorum, an opera ac arte plexorum  
& oleo madentium?) cincinnorum, quibus ornatum  
est ejus caput, Homerus meminit (*e*); formosamne  
natura credas, an eleganter comtam prodeuntem, ut  
vel munditie miferos decipiat mortales? Pedes quo-  
que ejus teneri sunt & tactu molles (*f*); quod idem  
cum de Amoris etiam corpore affirmetur (*g*), ad  
venu-

(e) *κεφαλὴ λιπαροπλοκόμος*, *Il. XIX.*: 126.

(f) *ωπαλοὶ πόδες*, *Ib. 92.*

(g) Cfr. PLATO *Sympat.* pag. 195, ubi Atæ *απάλοτης* cum  
Amoris illa comparatur.

venustatem & gratiam haud parum contulisse videri  
forsitan poterit (*h*)

Ceterum ut magna est vis, qua animi levitas, elatio, commotiones, sensus quivis excitati, mentem veluti compediunt, ac a sanioribus judiciis & consiliis ferendis atque capiendis cohiment, quin ad temeraria & noxia sectanda detorquent, ita Ate etiam *robore prædita* (*i*) Homero appellatur. Firmiter etiam incedit, gressusque ejus velox est; nam integris & rectis pedibus utitur (*k*): & igitur e loco quem tenet, non facile dimovetur, & sapientiam prævertens, subito animum invadit & occupat.

#### §. IV.

Quoad indeolem & opera, Aten totam quantam malam esse & perniciosa, vel sine negotio intelligitur. Etenim bonos & salubres quis dicat mentis errores? Οὐλομενη igitur merito audit (*l*), utpote quæ omnes, ad quos aditus ipsi pateat, homines imprimis, infane agentes & æquitatem, honestatem, decorum, lædentes, lubens scil., faciat (*m*). Ob vehe-

men-

(*b*) A pedum nitore & pulcritudine plurima feminæ formositatis epitheta duxisse Homerum, notum est.

(*i*) σθεναρη II IX: 505.

(*k*) εις αρτιπος Ibid.

(*l*) II. XIX: 92

(*m*) αιται παντας, II XIX: 91, 129; βλασπητεις ανθρωπους II. IX: 508; XIX: 94.

mentiam & velut feritatem, qua mentes conturbat, & noxæ, quam hominibus parat, magnitudinem, *αγρια* etiam dicitur (n).

Nocet igitur ea, plerumque, ut videtur, pravi sui ingenii impulsu. Interdum tamen etiam a diis superioribus vel fato ablegatam prætexunt, saltem qui in culpa sunt, inde scil. sibi magis excusationis sperantes. Sic Agamemnon v. c. (o) non se esse auctorem suæ in Achillem injuriæ, sed suo pectori Atten fœvam a Jove & fati dea & Erinnye immisssam ait (p); cuius igitur ingenti potestati (q), tantorum numinum viribus insuper auctæ & adjutæ, se resistere non potuisse prætendit (r).

Modo vero diligentius describendo, quo Ate mortales lædat, ipsis prudentiam adimens, omnino supersederunt poëtæ nostri. Mentem quidem præfertim ab illa occupari & violari, vel e prima deæ notione liquet. Unde præcordiis (s) infidere eam, facile

(n) *Il. XIX.*: 88.

(o) *Il. XIX.*: 85 *sqq.*

(p) Ζευς καὶ Μοίραι, καὶ ηρῷοφοιτις Ερηναῖος

— μοι — φρεσι εμβαλον αγριον Ατην, *Il. XIX.*: 87, 88.

(q) Nam perficit illa, quæcumque vult, θεος δια ταυτα τελευτα, *Il. XIX.*: 90.

(r) οὐκ αιτιος ειμι - - - τι καν φεξαιμι; &c. vid. l. mox cit.

(s) φρεσι εμβαλον Ατην, vid. mox allata.

facile fuit sic tu. Verum verba illa Homeri, quae  
haud exiguum negotium grammaticis facessiverunt:

της μεν δ' απαλοι πόδες ου γαρ επ' ουδει  
πιλναται, αλλ' αρα ιδε κατ' ανδρων πραστα βανει  
βλαπτουσ' ανθρωπους (t) - - -

nōn nullis de capitis, cui videlicet insit ratio & intellectus, concilicatione explicare placuit (u); an firma satis ratione suffultis, nescio. Nam Homero caput non est sedes mentis. Artificiosiores alias loci interpretationes ut fileamus, nobis ita sere videtur exponendus: "Atæ pedes teneri sunt & molles, atque hinc agiles (non rigidi); qui igitur celerrime eam, quasi per aëra volantem, non terræ (quam si calcaret, & tardius procederet, & pedum strepitus adventantem nuntiaret) admotam, sed altius, per hominum capita (s. e regione capitis, vel simpliciter quia id e terra est sublimius, vel forte ut oculorum quandam vertiginem efficiat dea, procellæ vel turbini similis, subitanee prætervecta) ferunt (v), cum illa mortales in errorem inducit."

## B

## §. V.

(t) *Il. XIX: 92-94.*

(u) Ipsas hominum calvarias calcare Platoni videtur *I. cit.*

(v) Non negandum illud πραστα ανδρων etiam de virorum agminibus accipi posse, adeo ut tensus sit, Aten hominum multitudini simul unam eandemque temeritatem iacutere.

## §. V.

Atæ igitur in humanum genus potentiaæ tot ferme sunt documenta, quot exempla insigniora mortaliū imprudentiaæ & temeritatis. Ut vero dii etiam vanitatis & incogitantiæ criminis interdum fuere obnoxii, ita neque omnino repugnavit, eos Atæ vim passos fingere. Imprimis memorabile est, quod de Jove perlibetur (*x*), qui ab Ate, h. e. animi quadam levitate & imprudentia, deceptus (*y*), inaniter & jaetanter ac præmature in deorum cœtu non pronunciavit modo, sed & a conjugè provocatus, juramento confirmavit futurum eum Persidarum principem, quem ex sua gente ipso eodem die mulier partu esfet editura. Sed falso speravit perfectum iri, quæ de Hercule, tum scil. nascituro, animo volvebat. Etenim, Junonis arte & ope, non Alcmene quo debuit tempore, enitebatur, sed Eurystheus, matre nonnisi septimum graviditatis mensem agente, in lucem opportune prodibat, ut vi promissi divini & primogeniturae, sibi, quod Jupiter filio suo destinaverat, vindicaret imperium. Quo igitur dolo se turpiter circumventum sentiens pater deum hominumque, iratus prehendit Atæ caput, & jurans ipsam in olympum nunquam reddituram, eam veluti lapidem qui funda mititur circumactam, e cœlo vibravit. At illa per aërem magna celeritate ad terram lata, postea hominum

(*x*) *Il. XIX: 95 sqq.*(*y*) *Ατη ασατο Ζηνα.*

minum duntaxat, saltem, ut par erat, maxime, rebus sese immiscuisse videtur (z). Jupiter vero dolorem vanitatis suae ægre abjecit, sed quoties vidiit Herculem graves illos ab Eurystheo impositos labores perferentem, gemens tristisque in memoriam sibi revocavit Aten (a), pristinæ animi sui elationis & inde oriundæ insipientis jaætantiae caussam.

## §: VI.

Neque tamen omnino infanabilia semper sunt veluti vulnera, quæ Ate infligit. Nimirum leviantur ea saepissime a Διταις, precibus; de quibus Διται comitibus concinna est Il. IX: 502/qq. fabula, hoc loco silentio non prætereunda. Dicuntur videlicet ibi Διται Jovis filiae, partim quia magna haud raro est precum in hominum, quibus eæ feruntur, animis flectendis & mitigandis sita vis & efficacia, partim quia Ζευς μεσιος eos punire solet, qui supplices ferociter repellunt. Finguntur eadem χωλαι, pedibus debiles & claudicantes, quod homines & tardius s. ægrius ad preces sese convertunt, & ad veniam temeritatis vel opem in adversis, sponte contractis, implorandam lento ac misero gradu accedunt doloribus præpediti, spe malorum sublevandorum nondum erecti; ερσαι, rugosæ, quia mœror rugis supplcum faciem conspergit; παραβλωπες οφθαλμω, in obli-

quum

(z) Deprehendit igitur poëta deos non decere, hominum ad instar, sensuum fallacie esse subjectos, ipse tamen eos inani & turpia haud raro festatos commemorans.

(a) Στεναχεσχε Ατην.

*quum oculos distorquentes*, ad imaginem scil. afflictorum, quorum non est hilaris vultus, nec frons serena, sed malus & limus obtutus. Hae igitur omni, quo licet pro infirmitate pedum, nisi student Aten sequi, viribus instructam, firmiter gradientem, longo p̄sec. dentem intervallo, hominum per universam terram mentes ac sapientiam corruptem. Festinant vero a tergo ejus Preces, in errorem delapsos ad culpam suam agnoscendam & confitendam impulsuræ, danno e temeritate & incon siderantia oriundo mederi, & iram injuria affectionum avertendo, & misericordiam erga infelices ab Ate lœlos concitando, cupientes. Quibus igitur deabus adventantibus (ad preces & dandas & accipiendas adhortantibus) qui honorem & obsequium præstiterit, eum etiam illæ vicissim valde juvant, & vota facientem audiunt, i. e. qui poenitentia duabus errorem deprecatur, eo ipso factâ veluti delet temeritatis suæ vestigia, fæse cum homine, cuius jura violaverit, reconcilians; pariterque precibus placari se sinens, humanitatis suæ fructus uberes, & mortalibus & diis gratus, percipit. Quod si quis *Aitæs* revereri obstinate recuset (vel deprecari nolit, vel animum supplicatione commoveri ac deliniri non patiatur) abeuntes eæ patrem Saturnium exorant, ut Ate refractarium illum sequatur (s. ut is permaneat in temeritate sua (b)), donec erroribus implicitus justam dederit suæ indeas inobedientiæ puniam. Ergo placare quos offenderit, iram facile deponere, auxilium potentibus severè non denegare, hominis est, qui diis probari velit — Quæ igitur jam allata fere sunt potissima, quæ de Ate in Homero & Hesiode reperiuntur.

---

(b) Nam & precibus non flecti temeritatis est.